

29 SEP 1990

# GERAK YUSOF MAKIN MANTAP

B. Harian (M)



## DATA JAGUH

- NAMA: Yusof Mohamad
- UMUR: 22 tahun
- ASAL: Terengganu
- SILAT: Silat Pagar Ruyung







**P**ESILAT Terengganu, Yusof Mohamad, 22, menaruh harapan untuk meluaskan bakatnya di bidang silat olahraga dengan mewakili negara dalam pertandingan besar di masa depan.

Anak muda yang berasal dari Kampung Kuala Ibai berhampiran Kuala Terengganu itu mula mewakili negerinya di Kejohanan Peringkat Kebangsaan dengan memenangi pingat gangsa bagi Kelas C.

"Seperti pesilat lain, mewakili negara terutama di peringkat tertinggi adalah satu penghormatan dan saya berharap dapat melakukannya," katanya pesilat ini yang juga mewakili Terengganu dalam Sukma di Sarawak, Julai lalu.

Anak silat perguruan seni Silat Pagar Ruyung Terengganu berjanji akan mencuba seberapa baik mungkin untuk mencapai cita-cita yang diharapkan itu.

Sebagai pesilat, Yusof menjalani latihan pegas setiap hari menjelang pertandingan besar bagi memastikan tahap pencapaian meningkat dari masa ke masa supaya tidak kecundang.

Yusof yang bertanding dalam kategori berat 50-55 kilogram berasa latihan yang dijalankan di bawah jurulatih, Wan Ngah Mohamad boleh membantu memantapkan persembahannya.

Wan Ngah juga menaruh harapan kepada Yusof

untuk mewakili negara pada masa depan memandangkan persembahan pesilat itu semakin mantap.

Yusof yang mendapat dorongan daripada ibu bapanya untuk mempelajari seni mempertahankan diri tidak akan menghampakan harapan jurulatihnya yang ingin menyaksikannya pergi lebih jauh dalam silat olahraga.

"Saya pernah beberapa kali mengambil bahagian dalam pertandingan silat olahraga bagi peringkat daerah Kuala Terengganu dan negeri sejak menyertai silat beberapa tahun lalu," katanya.

Yusof layak ke peringkat akhir dalam acara Kelas C dalam pertandingan anjuran Persatuan Silat Terengganu pada 1987.

Walaupun belum pernah memenangi pingat emas, bagi Yusof yang penting ialah persembahannya meningkat supaya dapat mewakili negara nanti.

29 SEP 1990

B. Harian (M)